




**OKUSHOMESEZA AHARI ZA REDIO  
ABEEGI BA PURAIMARE  
Y'OKUBANZA KUHISYA HA YA  
KASHATU (P.1 - P.3)**





## **AMASHOMO GA HA REDIYO**

**AMASHOMO AGA** nigaza kuba nigamara edakiika 30. Nihaza kubaho okushomesa oku omushomesa arikuba naahereza abeege eby'okukora barikushoma kandi n'ebiyokukora omu bwire bwabo.

**Ebirungi ebiri omukushomesa abeege aha rediyo nokugira nihaza kubaho nokutunga obutambi bw'okuhurira n'okureeba omu miringo egi:**

- Nituhereza omubw'okushomesa omu miringo mingi
- Omwegi naahurira eiraka ry'omwegyessa, arikumuhwera kandi arikumuhwera kwetegyereza ebi arikushoma.
- Enkora egi nehweza omukushorora gye amashomo agagumire.
- Nikibaasa kuhwera abeege kushomesibwa obwire bwona n'okukirikwetagisa.
- Egi kora neikiriza abeege kushoma kurugirira aha kubaasa kwabo
- Egi nkora neehwera omukurugamu ebibuuzo by'abeege ebi barikukira kubuuzo
- Obutambi nibubaasa kuhurirwa emirundi mingi.

## **ABEEGE ABARIKUZA KUGANYURWA ENKORA EGI**

**PURAIRE Y'OKUBANZA KUHITSYA AHA Y'AKASHATU**

**Yetegyereze: Amashomo aga ni kirungi ngu omushomesa akorese eiraka eririkworeka ku arikuganiira n'abeege. Kyabasika agume ahindure ah'eiraka yaaba naabuza ebibuuzo ebirikwetagisa ku garukwamu.**

**EMITWE EMIKURU HAMWE N'EBICWEKA EBIKUZA KUSHOMESIBWA**

ENAMBA	EMITWE MIKURU	EBICWEKA BIKURUGA OMU MIRWE MIKURU
1	<b>EKA YAITU HAMWE N'EKYARO KYAITU</b>	<ul style="list-style-type: none"> <li>i. Abantu b'omuka yaitu</li> <li>ii. Emirimo n'obujunanizibwa bw'abantu batarikushushana b'eka yaitu</li> <li>iii. Ebintu ebirikushangwa omu maka gaitu hamwe n'emigasho yabyo</li> <li>iv. Abantu b'omukyaroy kyaitu</li> </ul>
2	<b>OMUBIRI GW'OMUNTU HAMWE N'AMAGARA</b>	<ul style="list-style-type: none"> <li>i. Obuyonjo bw'omuntu hamwe n'omwanya ogumwetroiroe</li> <li>ii. Endwara ezikukira kukwata abantu n'oku zaakubaasa kwetantarwa</li> <li>iii. Endwara ezirikujanjaara kuruga aha muntu kuza aha ndiijo ezirikurahuka kujanjaara knka chorera</li> <li>iv. Endwara ezirikujanjazibwa obukooko</li> </ul>
3	<b>EBY'OKURYA N'EBYENDYA</b>	<ul style="list-style-type: none"> <li>i. Eby'okurya n'emigasho yabyo.</li> <li>ii. Okurya eby'okurya by'omugasho</li> <li>iii. Ebirikuruga omukurya eby'okurya ebityane mugasho aha mibiri</li> <li>iv. Amaziina g'eby'okurya nahi birikuruga</li> </ul>
4	<b>EMBEERA Y'OBWIRE N'EBITWETOROIRE</b>	<ul style="list-style-type: none"> <li>i. Ebintu ebirikurugamu embera y'obwire hamwe n'ebika by'embera y'obwire</li> <li>ii. Ebirikukorwa omu bwire bw'okuhinga obutarikushushana</li> <li>iii. Endeberera y'embera y'obwire n'ebirikurugamu</li> <li>iv. Enyamaishwa, ebinyonyi hamwe n'obukooko oburikukira kureebwa</li> </ul>

--	--	--

# EKA YAITU N'EKYARO KYAITU

**ABANTU ABARI OMOKA YAITU**

**LITERACY**

**Information: (Eishomo ritakatandikirwe, ebi nibibaasa kushomwa/kukorwa omuntu weena noobu y'okuba atari omwegyesa, eishomo ritakatandikirwe )**

Abeegi abarungi, amashomero goona gakakingwa, kandi obwahati muri omu maka ganyu nimwegyera ahari za rediyo ahabw'endwara erikukwata abantu nyamwingi ei barikweta *Corona Virus (oruhinzi rw'amaani, orurikureeta omushwija, okufundaana omukifuba kandi rushiisha ebisheshengo n'ebihaha)*. Ahi turikugambira, endwara egi, yahikire omu Uganda kandi tushemereire kugyerinda. Endwara egi nebaasa kujanjaara kuruga aha muntu, kuza ahari ondiiho waaba omuri haihi munonga akakorora nari akesyamurira haihi naiwe. Ekindi, nebaasa kukwata wayekwata omukanwa, omu maisho nari enyindo orikukoresha engaro eziine oburofa.

Obwire: Edakiika 30

<p><b>ENYANJURA</b> <b>2 minutes</b></p>	<p>OREIRE OTA omwegi omurungi! Wayakiirwa omwishomo eri ery'okuhurikiriza, tukashoma kandi tukahandiika.</p> <p>Eiziina ryangye ni ..... Tutakatandikire, ninshaba ngu oyetebakanise, okwate akacumu nari ekaraamu hamwe n'ekitabo ky'okuhandiikamu, otungye ah'okushutama haza ohurikize. Ojukye kushutama hare na mutaahi waawe. Kanyesigye ngu hati waheza kwetebekanisa.</p>
<p><b>STEP 1:</b> <b>Edakiika 5</b></p>	<p>Erizooba, nituza kugamba ahari '<b>ABANTU ABARI OMUKA</b>'</p> <p>Eky'okubanza, <b>Eka nikimanyisa ki?</b>Ogu n'omwanya ogu turikutuuramu nk'ab'eka emwa nari omuryango gumwe.</p> <p>Ni bantu ki abu turikushanga omuka? Otakagarukiremu, reka nkweshongorere akeshongoro. :</p> <p>Hurikiza: <b>YESHONGORE:</b></p> <p><b>Taata, mama, mukuru wangye, murumuna wangye, munyanyazi! !</b></p> <p><b>Munyanyazi, mukuru wangye, murumuna wangye,</b></p> <p><b>Taata, mama, munyanyazi, murumuna wangye, mukuru wangye,</b></p> <p><b>maaw'enkuru, tatento na maawento</b></p> <p><b>Tala lalalala la! x3</b></p> <p>Hati tweshongore hamwe, <b>YESHONGORE:</b>Taata, mama, munyanyazi, murumuna wangye, mukuru wangye! <b>Yebare!</b> .</p> <p>- Ni bantu ki abari omu maka gaitu abu twahurira omu kyeshongoro? Nibo</p>

	<p>aba:</p> <p><b>Taata, mama, munyanyazi, mukuru wangye, murumuna wangye, taatento, maawento</b></p> <p>- Ni bantu ki abari omuka yanyu? Nintuura na taata na maawe bonka. Kandi ive nootuura na baahi? <b>YESHUSHANIRIZE NG'OINE OU</b></p> <p><b>ORIKUGAMBA NAWA:</b> tatenkuru, maawenkuru, munyanyazi, murumuna wangye na mukuru wangye. Mwebare!</p> <p>Mbwenu, n'abantu ki abarikushangwa omuka?</p> <p>Omu maka agamwe harimu taata, mama n'abaana bonka, egy'o nitugyeta eka y'abaana n'abazaire baabo. Amaka agandi garimu mama, taata, abaana hamwe n'abanyabuzaare nka ishento na nyinento. Egyo n'eka y'abaana abazaire hamwe n'abanyabuzaare. Reeka tuhunameho, twetebekanise okushoma.</p>
<p><b>STEP 2:</b></p> <p><b>7 minutes</b></p>	<p>- Mukurikeyo omu kahumuro abeegi abarungi!</p> <p>Hati twaza kutandika kushoma. Reeka tubanze tweshongore ekeshongore tutakatandikire: <b>YESHONGORE:</b></p> <p><i>Reeba eka yaitu,</i></p> <p><i>Ogu ni tatenkuru,</i></p> <p><i>ogu ni maawenkuru,</i></p> <p><i>ogu ni taata,</i></p> <p><i>ogu ni maama,</i></p> <p><i>itwe turi abaana.</i></p> <p>Kyo reka tweshongore hamwe: <i>Reeba eka yaitu, ...</i> <b>Mwebare.</b></p> <p>Hati muhurikize gye ebigambo ebi naaza kushoma:</p> <p><b><i>Shoma buri nyuguta orikuteera omungaro. Hwera abeegi kubara engiga ezikukora ebigambo. Toorana ekigambo kimwe ekiine ekiine enyatura y'enyuguta ei kwegyesa . Maama, taata, munyanya, mukuru wangye, mukaaka, tatenkuru</i></b></p> <p>- Reka tutoorane ekigambo kimwe :<b>maama</b>, nikitandika n'engambisa n'eiraka <b>ma</b> akushoma /<b>ma</b>/ Hariho ebigambo ebindi omu Runyankore/Rukiga ebirimu <b>ma</b>cky'okureeberaho <b>amate, amatu, amaka</b>.</p> <p>Gamba ebigambo ebndi bishatu obwe nanye ndikuteekateeka ebyangye.</p> <p><b>Katuhumureho kakye:</b> Ebigambo byawe nibiha? Shoma orikugamba.</p>

	<p><b>Maawe, entaama, ..... Mwebare!</b></p> <p>- Reeka tukore ebibazo/sentensi turikwejunisa ebigambo byaitu:  <b>maamataatamukuru wangye,munyanyazi, mukaaka, tatenkuru</b></p> <p>Rekat tutandikye n’ekigambo <b>mama:</b></p> <p><b>Maama aine amate.</b></p> <p>Niiwe gamba ekibazo kyawe/sentensi yaawe. <b>YESHUSHANIRIZE NKOINE OU ORIKUGAMBA NAWE.</b> Gamba ekibazo kyawe/sentensi yaawe. <b>Maama naaguza amate.</b></p> <p>Gamba sentensi yaawe/ekibazo kyawe orikwejuninisa ebigambo ebi: <b>taata, mukuru wangye, munyanyazi, maawenkuru, taatenkuru.</b></p> <p>Mwebare, muri abeegi barungi! Reka tumureho kakye, obwe turikwetebebanisa kuhurikiza ekitebyo.</p>
<p><b>STEP 3:</b> <b>Edakiika 8</b></p>	<p>- Hati naaza kubashomera ekiganiiro. Ku ndaheze kushoma ekiganiiro eki, ninza kubabuza ebibuuzo. Yetebebanise. <b>Shutama, otakagira eki wahandiika, hurikiza kwonka.</b></p> <p><b>Humuraho. Kora omwiraka! Shoma ekiganiiro emirundi ebiri.</b></p> <p><b>EKA ESHEMERIIRWE</b></p> <p>Karungi naatuura omukyaro kya Gongo. Naatuura n’abazaire be. Aine banyanya babiri hamwe n’omurumuna. Nibatuura ni nyinenkuru omuka. yaabo. Buri mwebazyo, nyinenkuru naabaganira ebigano bya kare. Boona nibakunda ninyenkuru bo, ahabw’ebigano bye birungi.</p> <p><b>Hati garukamu ebibuuzo ebi</b></p> <ol style="list-style-type: none"> <li>1. Ankunda naatuura nkahi? <b>Humuraho</b></li> <li>2. Ankunda aine banyanya bangahi? <b>Humuraho.</b></li> <li>3. Ahabwaki abantu b’omuka ya Ankunda barikukunda nyinenkuru bo? <b>Humuraho.</b></li> <li>4. Kuri ori Ankunda, okabaire nookorera ki nyokwenkuru kworeka ngu noomukunda? <b>Humuraho.</b></li> </ol>

	<p>Reka tureebe ebibuuzo ebi, twaba twabigarukamu gye:</p> <p><b>GARUKA OSHOME BURI KIBUZO OGUNDI MURUNDI KANDI OGAMBE ANSA NARI EBIGARUKWAMU EBI ABEEGI BARIKUBAASA KUGARUKAMU.</b></p> <p>Ekibuuzo kyaitu ky’okubanza kyaba kiri eki: Aine naatuura nkahe? Ekigarukwamu n’eki: Aine naatuura omukyaro kya Gongo. Mwebare munonga abeegi abakundwa, kanyesigye ngu wakigarukamu gye.</p> <p>- Reka tubanze tumureho turikwetebebanisa kuhandiika. Oijuke kwehitsya haihi, ekitabo kyawe n’ekaramu yaawe.</p>
<p><b>Edakiika 5</b></p>	<p>Kurikayo omukuhumura! Hati n’obwire bw’okugyesaho kuhandiika. Kanyesigye ngu oine ekaramu yaawe n’ekitabo kyawe. Tukandikire reka tweshongore, akeshongoro kaitu k’okuhandiika. <b>YESHONGORE.</b>Hati n’obwire bw’okuhandiika! Handiika enyuguta ya: m mm<b>Hati handiika:</b> a aa Handiika engambisa : ma ma - Hati handiika ebigambo: <b>SHOMA BURI KIGAMBO EMIRUNDI EBIRI! HUMURAHU BWANYIMA OSHOME BURI NYUGUTA Z’EBIGAMBO.</b> maama munyanyazi taatamukuru wangye - Handiika ekibazo orikwejunisa ekigambo ‘maama’: SHOMA EKIBAZOO/SENTENSI. Maama naguza amate. Mwebare.</p> <p>Omu bwire bwawe, handiika abantu b’omuka yanyu. Ekindi nooza kuteera ebishushani by’abantu aba: maama, taata, munyanyazi, murumuna wangye, mukuru wangye.</p> <p>Omu ishomo eri, twagamba ah’abantu abari omuka yaitu. Omu ishomo ryaitu erirakurateho, nituza kuhajana aha ka yaitu.</p>



Edaakiika 1	<p>Turikuhendera eishomo ryaitu, ninkushaba ku oijutsya abantu b'omuka yanyu</p> <p><b>KUNAABA OMU NGARO ZANYU MURIKUKORESA AMAIZI NA SABUUNI. OBWIRE BWONA MUGUME NIMWEYONJA.</b></p> <p><b>MWERINDE, MUGUME OMUKA.</b></p>

**Abantu b'omuka OKUBARA**

**Information:**

Abeegi abakunddwa, ijo tukagamba aha kunaaa omungaro turikukoresa amaizi na sabuuni kumara obutikitiki 20 n'okukiraho ahabw'okuba eki nikiza kuhwera imwe hamwe nab'omumaka ganyu kwetantara endwara ezimwe nka *Corona Virus*. Ninkushaba ku okoresa edakiika nkye kubara emirundi ei wanaaba omungaro erizooba. Emwe, ibiri, ishata; tandika obare! .....Webare munonga

OBWIRE: Edakiika 30

<p><b>Introduction</b></p> <p><b>Edakiika 1</b></p>	<p>OREIRE OTA, omukundwa omurungi! Nakwakiira omwishomo ryaitu ry'erizooba ery'Okubara.</p> <p>Eiziina ryangye ni ..... Tutakatandikire, ninkushaba tweteekateekye kukwatanisa omwishomo eri. Reebe ngu wayehitsya haihi eby'okubarisa byawe nk'obuti, amabaare, nari ekindi kyona ekyakubaasa kukuhwera kubara. Ekindi yehitsye haihi ekaramu nari akacumu hamwe n'ekitabo ky'okuhandiikamu. Tunga omwanya murungi gw'okushutamamu. Oijukye kushutama hare na mutaahi waawe. Kanyesigye ngu hati waheza kwetebekanisa.</p>
<p><b>Step 1</b></p> <p><b>Edakiika 5</b></p>	<p>Omwishomo ry'erizooba tukiriyo nitwega ah'abantu abarikushangwa omuka. nituza. Nituza kugyezaho kubabara n'okubata omu bukuku.</p>

	<p>Tutakatandikire, katweshongore akeshongoro karikugamba ahakubara: muhurikirize mbanze mbeshongoreremu:</p> <p><b>Itwe turi entama ento,</b>  <b>Imwe, ibiri, eishatu, ina, eitano, mukaaga, mushanju, munana, mwenda, ikumi x 2</b></p> <p>Kare katweshongorere hamwe:</p> <p><b>Itwe turi entama ento,</b>  <b>Imwe, ibiri, eishatu, ina, eitano, mukaaga, mushanju, munana, mwenda, ikumi x 2</b></p> <p>Katubare hamwe obuti: <b>1, 2, 3, 4, 5, 6, 7, 8, 9, 10.</b></p>
<p><b>Step 2</b>  <b>Edakiika 8</b></p>	<p>HURIKIRIZA:Imuka yaitu, ninturamu na mukaaka, mukuru wangye hamwe na'munyanyazi.</p> <p><b>Katubare hamwe abantu abari kutura omuka yaitu: 1, 2, 3, 4.</b></p> <p>Nibantu ki abari kushangwa omuka yanyu? Babare.</p> <p><b>YESHUSHANIRIZE NGU OYINE MUNYWANI WAWWE</b>  <b>NAKUGIRA NGU WE NATURA NA: nyineenkuru, ishe, nyina, mukuru we, hamwe na munyanya.</b></p> <p>Mbwenu katubabare <b>1, 2, 3, 4, 5, 6,7</b></p> <p>Omuri abo abashaija nibahi? Katubagambeho ... ishe and munyanya.  Mbwenu abo nibangahi?  Babare .... 1, 2</p> <p>Omuri abo abakazi nibahi? .....nyinenkuru, nyina, mukuruwe, hamwe nawe.<b>Babare ... 1, 2, 3, 4</b></p> <p>Hati reeba abantu abari omuka yanyu; Ni abantu bangahi ?</p> <ul style="list-style-type: none"> <li>- <b>Babare boona hamwe.</b></li> <li>- <b>Bara abashaija bonka.</b></li> </ul>

	<p>- <b>Bara abakazi bonka.</b> <b>Webare.</b> <b>Katuhumureho kakye, twetekatekyere ekyokukora ekindi. Haza ebyokubarisa byawe ogume obyetaire haihi.</b></p>
<p><b>Step 3</b> <b>Edakiika 8</b></p>	<p>Mukurukye omukahumuro. <b>Twaza kusherura eshura ezirikubura omuzindi, kwonka katubanze tweshongore akeshongoro kaitu:</b></p> <p><b>Itwe turi entama ento,</b> <b>Imwe, ibiri, eishatu, ina, eitano, mukaaga, mushanju, munana, mwenda, ikumi x 2</b></p> <p><b>Katubare hamwe turikubara obuti nari amabare: 1, 2, 3, 4, 5, 6, 7, 8, 9, 10, 11, 12, 13, 14, 15, 16, 17, 18, 19, 20.</b></p> <p>- <b>Bara haza ogambe enyiguta erikubura, kare hurikiriza:</b></p> <p>a) 1, 2, 3, ____, 5, 6, 7 b) 3, 4, 5, 6, ____, 8, 9, 10 c) 10, 11, 12, ____, 14, 15, 16 d) 8, 9, 10, 13, 14, 15, 16, ____, 18, 19, 20 e) 11, 12, 13, 4, 15, ____, 17, 18, 19, 20</p> <p>Katuhumureho kakye twetekatekyere eishomo erirakurateho.</p>
<p><b>Step 4</b> <b>Edakiika 8</b></p>	<p>Twaza kwega aha maka gomutano. Hurikiriza haza ogarukemu ebibuzo:</p> <p>1. Guma, nihatura na'nyinenkuru, nyina na'munyanya. Omuka yaba Guma nihaturamu abantu bangahi? Omuriabo harimu abashaija bangahi? Omuriabo harimu abakazi bangahi?</p> <p>2. Twine n'omukakaziwe Aine bakazara amahasha gabaishiki.</p> <p>a) Omuka ya Twine harimu abantu bangahi? b) Harimu abashaija bangahi? c) Harimu abakazi bangahi?</p>

	Mwebare munonga, muri abeegi barungi. Twayega okumanya n’okubara abantu abutukutura naabo omumaka gaitu. Eishomo ryaitu erirakurateho niriza kuba nirikwatairine nemirimo nobujunanizibwa eyi abantu abo barikukora.
Step 5 Edakiika 1  Okuhendera	Twamarira eishomo ryeitu, kwonka naba ninkushaba ngu oyijutsye abantu bomuka: <ul style="list-style-type: none"> <li>• <b>BANABE OMUNGARO BURIKAIRE KOONA.</b></li> <li>• <b>MUGUME MURI ABAYONJO OBWIRE BWONA.</b></li> <li>• <b>MWERINDE, MUGUME OMUMAKA GANYU.</b></li> <li>• <b>MUGUME NOBUSINGYE</b></li> </ul>

## **EMIRIMO N’OBUJUNANIZIBWA BW’ABANTU B’OMUKA AB’OBUTAANO**

### **OKUSHOMA N’OKUHANDIIKA**

#### **Information:**

Abeegi abarungi, obwahati ni mwega murikurabira ahari za rediyo ahabw’okuba mwine obugabe bw’okwega. Obugabe n’ekintu eki omuntu ashemereire kugira omu mbeera yoona. Buri muntu weena aine obugabe bw’okutungira eby’okurya n’oburaaro yaaba ari omwojo nari omwishiki, omwana nari omuntu mukuru hatariho kushororwa kurugirira aha nyikiriza ye. Oine obujunanizibwa, ekirikumanyisa emirimo nari ebintu ebi oshemereire kukora ekyokureberaho okureberera omwanya ogu orikutuuramu orikuyonja omwanya ogu orikutuuramu omuka yanyu. Obwire: Edakiika 30

<b>INTRODUCTION</b>  <b>Edakiika 2</b>	MURAIRE MUTA abeegi abarungi! Mwayikirwa omwishomo eri ery’okushoma, okuhurikiza, n’okuhandiika.  Eiziina ryangye ni ..... Tutakatandikire, ninshaba ku mwetebekanisa kuhurikiza. Reeba ngu wayehitsya haihi ekaramu nari
--	---

	<p>akacumu hamwe n’ekitabo ky’okuhandiikamu. Shutama otebeekane. Oijuke kushutama hare na mutaahi waawe. Kanyesigye ngu hati waheza kweteekateeka.</p>
<p><b>STEP 1:</b> <b>Edakiika 8</b></p>	<p>- Omwishomo ryaitu eryahereerukire, tukareeba abantu b’omutaano abarikushangwa omuka. nookibajuka? Abantu aba ni baahi?</p> <p><b>YESHUSHANIRIZE NGU OINE OU ORIKUGAMBA NAWE.</b></p> <p><b>Tuhumureho kakye.</b> Abantu aba ni sho, nyoko, munyanyoko, murumuna wawe, mukuru waawe, shwenkuru, nyokwenkuru hamwe n’abanyabuzaare abandi?</p> <p>- Erizooba, nituza kuhajana ahari ebi; <b>EMIRIMO N’OBUJUNANIZIBWA BW’ABANTU B’OMUKA ABATARIKUSHUSHANA’</b> Ekyokubanza. Emyoga n’obujunanizibwa nikimanyisaki? Emyoga n’obujunanizibwa ni emirimo ei abantu barikukora omu maka gaitu.</p> <p>- Ni myoga ki ei abantu b’omuka yanyu baine? Nooha orikuteeka ebyokurya? Nooha orikutaaha amaizi? Nooha orikushenya enku? Omurimo ogu orikukora omuka yanyu niguuha?</p> <p>- Omuka goona buri muntu aine emirimo ei ashemereire kukora, kandi buri murimo ogu omuntu arikukora gwine omugasho kwenda ngu tutuure hamwe tushemereirwe. Tushemereire kwebaza abantu abarikutuura omuka ahabw’emirimo ei barikutukorera.</p> <p>- Reka mbatebeze ebyabaire omuka y’Omwami Wampitsi.</p> <p><b>BAGANIRE , REKA KUSHOMA.</b></p> <p>Obwakare, hakaba hariho Omwami Wampitsi, omukazi we hamwe n’omwana waabo. Bakaba nibatuura omu kibira ekyabaire kiri aha rubaju rw’omugyera. omwami Wampitsi akaba ari omujubi. Akaba ajuba/ashoha ebyenyanja burizooba. Omukyara Wampitsi we akaba asiiba omuka, ateeke, aboneza aha ka, areebera omwereere reero nabwanyima asetura ente yaabo. Eizooba rimwe Omwami Wampitsi aketomboita naagira ngu akaba</p>

	<p>naakora emirimo mingi kukira omukazi we. Ekyarugiremu, Omw. Wampitsi yasharaho ngu bahaanise emyoga yaabo. Akasheeshe akaakuraatiireho, Omukyara Wampitsi akaguruka kare yaaza kushoha ebyenyanja. Atyo Omw. Wampitsi asigara omuka n’omwereere hamwe n’ente yaabo. Yayeteekyera kyantsya nungi buzima obwe arikucuriza. Yashutama ashemerirwe yatandika kurya. Ati; ‘Ha! Ha! Ha! Erizooba nanye neryangye.’ Ku aba aryaho, omwereere yasisimuka omuturo, yarira. Omwereere akaba aine enjara kandi arikushusha kubi arikwetenga kunaaba. Omwami Wampitsi akaba atakakamire mate. Omwereere yamugaburira ahabyokurya bye. Yarira yayekuringura ahabw’okuba ebyokurya bikaba birimu eshenda. Ente yatandika yaaborooga ahabw’njara. Yatsibika ahaiguru y’enju kugira ngu erye obunyatsi obwabaire obwabaire bushakaire enju yaabo. Ente yashambura eniu, yagwa omunda yatandika kurengyeera omuguha gurikwenda kugituga. Ku yabaire aryaho, omukazi we yagaruka, aine ebyenyanja, yashanga enju neshusha kubi.</p> <p><b>Wayega ki omukitebyo eki?</b></p> <p><b>YESHUSHANIRIZE NGU HARIHO OU ORIKUGAMBA NAWA.</b></p> <p>Webare munonga! Hati reka tumumureho kakye, obwe turikwetebebanisa kushoma.</p>
<p><b>STEP 2:</b> <b>Edakiika 7</b></p>	<p>-Kurikayo omukuhumura omwegi omukundwa! Hati kugyezaho kweshongora. Reka tubanze tweshongore akeshongoro kaitu akarikukwata aha kushoma. <b>YESHONGORE:</b></p> <p><b>Ekyenyanja kinuzire (x3)</b></p> <p><b>Wakiriisa omubumba.</b></p> <p><b>Waaki-riisa omu-bumba (x3)</b></p> <p><b>Ekifuba kitagata.</b></p> <p><b>Mwebare munonga. .</b></p> <p>- Hati muhurikize gye, mbashomere ebigambo ebi:</p> <p><b>kondoora, teeka, haata, yozya, shekura</b></p> <p><i>Shoma buri kigambo orikuteera omungaro. Hwera abeegi kubara</i></p>

	<p><i>engiga (syllables) z'ebigambo. Toorana engiga emwe eine eiraka (amaraka) eri orikwenda kushomesa.</i></p> <p>- Reka tutoorane ekigambo kimwe : <b>teeka</b> , nikitandika n'eiraka <b>'t' Hariho ebigambo ebindi</b> by'Orunyankore-Rukiga ebiine eiraka <b>'t'</b> eky'okureeberaho teeka, haata, teera, tonto. <b>Teekateeka ahabigambo bishatu ebindi obwe nanye ndikuteekateeka aha byangye.</b></p> <p><b>Humuraho.</b> Ebigambo ebi waatoorana nibiiha? Bishome orikubyatura.</p> <p><b>Taatenkuru, taatenkazi, yeta. Webare!</b></p> <p>- Reka tukore ebibazo turikwejunisa ebigambo byaitu ebi:</p> <p><b>Kwata, yeta, reeta, toora</b></p> <p>Eky'okureeberaho, reka tutandikye n'ekigambo <b>yeta.</b></p> <p><b>Taatenkazi yateeka ebyokurya.</b></p> <p>Naiwe kora ekibazo/sentensi yawe. <b>YESHUSHANIRIZE NGU OINE OU ORIKUGAMBA NAWA.</b> Ngambira sentensi yaawe. <b>Maawe yateeka ebyokurya binuzire.</b> Kare webare.</p> <p>Koresa ebigambo ebyasigara: <b>kondoora, haata, yozya, shekura</b></p> <p>Mwebare abegei bangye, abarungi! Reka tuhumureho, obwe turikweteekateeka kuhurikiza ekitebyo.</p>
<p><b>STEP 3:</b> <b>Edakiika 7</b></p>	<p>- Hati naaza kubashomera ekitebyo. Ku ndaheze kukibashomera, ninza kubabuuza ebibuuzo. Yetebebanise. Oshutame gye kwonka otagira eki wahandiika, hurikiza kwonka.</p> <p><b>Shoma ekitebyo eki, ogarukyemu ebibuuzo ebirikukurataho</b></p> <p><b>EKa ya Bahemuka</b></p> <p>Omuka y'Omwami Bahemuka, buri muntu weena naakora.</p> <p>Omwami Bahemuka naakama ente. Omukazi wa Bahemuka ateeka ebyokurya. Amina naakondoora embura kandi ateeka amaizi g'okunywa. Ali nashaaha embuga, reero bwanyima aza</p>

	<p>kuriisa embuzi. Abantu b’omuka egi, nibatuura hamwe kandi bashemerirwe.</p> <p><b>Hati garukamu ebibuuzo ebi</b></p> <ol style="list-style-type: none"> <li>1. Omwami Bahemuka naakira kukora murimo ki omuka ye?</li> <li>2. Nooha orikuriisa embuzi?</li> <li>3. Okuteeka amaizi g’okukunywa kiine mugasho ki?</li> </ol> <p>Reka twetegyereze twaba twagarukamu ebihikire:</p> <p><b>GARUKA OSHOME BURI KIBUZO HAZA OGAMBE EKIGARUKWAMU EKI ABEEGI BASHEMEREIRE KUGARUKAMU.</b></p> <p><b>Ekibuuzo kyaitu ky’okubanza kyaba kiri eki: Omwami Bahemuka naakira kukora murimo ki omuka ye?</b></p> <p><b>Ansa:</b> Omwami Bahemuka nakama ente. <b>Ekyakabiri kyaba kiri:</b> Nooha orikuriisa embuzi ? <b>Eky’okugarukamu:</b> Ali naaliisa embuzi.</p> <p><b>Ekyakashatu n’eki:</b> Okuteeka amaizi g’okunywa kiine mugasho ki?</p> <p><b>Eky’okugarukamu:</b> Okuteeka amaizi g’okunywa nikihweera kwita obukooko obukubaire nibureeta endwara.</p> <p><b>Give extra work:</b> Omu bwire bwawe, nooza kuteera ebishushani by’abantu barikukora emirimo etarikushushana.</p> <p>- Reka tumureho kakeye turikwetebebanisa kuhandiika. Oijuke kwehitsya haihi ekaramu n’ekitabo ky’okuhandiikamu.</p>
<p><b>Edakiira 5</b></p>	<p>Kurikayo omu kuhumura! Hati n’obwire bw’okugyezaho kuhandiika. Nyine amatsiko ngu oine ekaramu n’ekitabo. Tutakandikire, reka tubanze tweshongore: <b>tanisa nitubaasa kuhikiriza bingi. tinglite the letter: s s</b></p> <p><b>Now write: t t</b></p> <p><b>Write the words: sattap</b></p>



	<p>- Hati ebigambo:</p> <p><b>YATURA EKIGAMBO EMIRUNDI EBIRI, REERO BWANYIMA OYATURE ENYUGUTA EZA BURI KIGAMBO.</b></p> <p>Yozya, teeka, shekura, haata</p> <p>- Handiika ekigambo <i>teeka</i></p> <p>Taatenkazi nateeka ebyokurya birungi.</p> <p><b>SHOMA EKIBAZO/SENTENSI EGI EMIRUNDI EBIRI</b></p> <p>Webare munonga.</p> <p>Omu bwire bwawe, nooza kuteera ebishushani by’abantu b’omuka yanyu barikukora emirimo etarikushushana. Nooza kuhandiika ekigambo nari sentensi ahari buri kishushani.</p> <p>Omwishomo eri, twagamba aha mirimo n;obujunanizibwa bw’abantu b’omuka. omu ishomo ryaitu erirakurateho, nituza kuhanuura aha bintu ebirikushangwa omu maka gaitu.</p>
Edakiika 1	<p><b>Turikuhendera eishomo ryaitu ryerizooba, nimbashaba kumwijusya abantu b’omumaka ganyu;</b></p> <p><b>KUNAABA OMU NGARO BARIKWEJUNISA AMAIZI NA SABUUNI OBWIRE BWONA.</b></p> <p><b>MWERINDE, KANDI MUGUME OMU MAKU GANYU.</b></p> <p><b>MUSIIBE GYE.</b></p>

**EMIRIMO N’OBUJUNANIZIBWA BW’ABANTU B’OMUKA ABATARIKUSHUSHANA  
- MATHEMATICS**

**Information:**

Abeegi Abarungi, kumanya kubara n’okuhandiika nikituhwera kumnya omuhendo gw’abantu abarwaire ekihinzi ekirikureetwa akakooko ka corona nari *Corona virus*.

Nitubaasa kubara ebintu ebindi bingi hamwe n’abantu abu turikubugana nari kutuura nabo

omu magara gaitu agabutoosha, eky'okureeberaho eshuura 1 kuhitsya ahari 10, amaju, embuzi, embuzi, ente, embwa, ente, entebe, za baasi, za pikipiki hamwe n'enyonyi. MILY MEMBERS - MATHEMATICS Information:

TIME 30 minutes

<p><b>Introduction</b> 1 minute</p>	<p>Oreire ota, omwegi omurungi! Wayakirwa omwishomo ry'erizooba ery'Okubara. .</p> <p>Eiziina ryangye ni ..... Tutakatandikire, ninshaba ku twetebekanisa kwejumba omu mushomo ogu. Yehisye haihi eby'okubarisa byawe (amabare/obuti), ekaraamu nari akacumu hamwe n'ekitabo ky'okuhandiikamu. Tunga omwanya murungi gw'okushutamamu kwonka oreebe ngu washutama hare na mutaahi waawe. Kanyesigye ngu hati waherize kwetebekanisa.</p>
<p><b>Step 1</b> 5 minutes</p>	<p>Omwishomo ryaitu ry'erizooba, nituza kugyezaho kubara n'okuhandiika eshuura turikwejunisa ebigambo.</p> <p>Tutakatandikire, reka tweshongore, akeeshongoro kaitu.</p> <p><b>Ruhanga akampa amaisho,</b>  <b>N'amatu gokuhurira,</b>  <b>N'ebigyere byokugyendesa,</b>  <b>N'eminwa yokuhimbisa,</b>  <b>N'engaro zokukwatisa,</b>  <b>N'omutima gw'okumukunda.</b></p> <p><b>Kwata ebyokubarisa byawe tutandikye kubare.</b>  <b>BARA ORIKUGAMBA</b>  1, 2, 3, 4, 5, 6, 7, 8, 9, 10.</p> <p><b>Webare</b></p>
<p><b>Step 2</b> Edakiika 10</p>	<p><b>Twaza kuhandika enyuguta omubigambo:</b>  Banza abare obuti/ amabare atano:</p> <p>1            2            3            4            5</p>

- Hati yetorore omuka yanyu haza obare abantu abarimu.
- Wabara bangahi?.....
- Bariyo nibakoraki?.....( nibozya esuwani? bahingire? batekire?  
Nibakondoora?

Kwata akati nari eibare , oshome orikwatura : EMWE,EMWE, EMWE.

Katushome turikwatura enyiguta za burikigambo ..... **E-M-W-**

**E**EKigambo nikishwomwa ngu: EMWE.

Handika eshura 1, nekigambo EMWE.

Kwata obuti bwawe nari obubare , oshome orikwatura : IBIRI,IBIRI, IBIRI.

Katushome turikwatura enyiguta za burikigambo ..... **I-B-I-R-**

**I**EKigambo nikishwomwa ngu: IBIRI.

Handika eshura 2, nekigambo IBIRI.

Kwata obuti bwawe nari obubare , oshome orikwatura : ISHATU, ISHATU,  
ISHATU

Katushome turikwatura enyiguta za burikigambo ..... **I-S-H-A-T-U**

EKigambo nikishwomwa ngu: ISHATU.

Handika eshura 2, nekigambo ISHATU.

Kwata obuti bwawe nari obubare , oshome orikwatura : INA, INA, INA.

Katushome turikwatura enyiguta za burikigambo ..... **I-N-A**

EKigambo nikishwomwa ngu: INA.

Handika eshura 2, nekigambo INA.

Kwata obuti bwawe nari obubare , oshome orikwatura : ITANO, ITANO,  
ITANO.

	<p>Katushome turikwatura enyiguta za burikigambo ..... <b>I-T-A-N-O</b></p> <p>Ekigambo nikishwomwa ngu: ITANO.</p> <p>Handika eshura 2, nekigambo ITANO.</p> <p><b>Webare omwegi omurungi.</b></p> <p><b>Katuhumureho kakye turikwetekatekyera eishomo eriri kukurataho.</b></p> <p><b>Nyaaburawe yeijuka ekaraamu n’ekitabo.</b></p>
<p><b>Step 3</b></p> <p><b>Edakiika 8</b></p>	<p>Kurukayo omukahumuro. Hati twaza omw’eishomo by’okutera ebishushani n’okuhandika ebigambo omubitabo byanyu.</p> <p>Teera ekishushani ky’omupira bwanyima ohandikeho ekigambo: IMWE</p> <p>Teera ebishushani byemipira ebiri, bwanyima ohandikeho ekigambo: IBIRI.</p> <p>Teera ebishushani byomupira eshatu, bwanyima ohandikoho ekigambo: ISHATU.</p> <p><b>Teera ebishushani byemipira biina, bwanyima ohandikeho : INA</b></p> <p>Teera ebishushani byemipira etano, bwanyima ohandikeho: ITANO</p> <p><b>Katuruhukyehe turikwetekatekyera kuhandika ebindi bigambo.</b></p>
<p><b>Step 4</b></p> <p><b>8 minutes</b></p>	<p>Enyuguta ezi zihandike omubigambo:</p> <p>6 7 8 9 10</p> <p>Yongeraho nizindi:</p> <p>11 12 13 14 15 16 17 18 19</p> <p>20</p>

	Turikuhendera eishomo ryaitu, reka nkwiijutsye ngu twagyezaho kubara n'okuhandiika ebigambo omu mwanya gw'okukoresa eshuura. Omu ishomo ryaitu erirakurateho, nituza kwongyera kwegu okubara.
Step 5 1 minutes Wrap up	<b>Turikuhendera eishomo eri, nyaburawe iwe n'abantu b'omuka yanyu mwijukye:</b> <b>KUNAABA ENGARO ZANYU MURIKWEJUNIISA AMAIZI NA SABUUNI OBWIRE BWONA KANDI MUREEBE NGU MWAGUMA MURI ABAYONJO BURI KAIRE.</b>  <b>MUGUME OMUKA YANYU KANDI MWERINDE. .</b> <b>MUKAMA ABARINDE</b>

## EBINTU EBIRIKUSHANGWA OMUKA YAITU – LITERACY

### Information:

Abeegi abakundwa, tumazire obwire turikugamba ku okunaaba omu ngaro kirikubaasa kutuhwera kwerinda obutakwatwa endwara omu bwire obu, kwonka eki tikirikumanyisa ngu nikituriinda obwire bwona. Hariho obukooko burikubaasa kuguma omu ngaro zaitu. Obukooko obu nibukye munonga kandi torikubaasa kubureeba n'amaisho. Omuntu yaaza kubureeba naaba nayetenga kukoresa ekyoma ekirikwetwa *microscope* kureeba obukooko obu. Ahabw'okugira ngu obukooko obu nibukye munonga kandi titurikubaasa kubureebesa amaisho, nibubaasa kutaaha omu mibiri yaitu bukaturwaza, nahabwekyo ogume onaabe omu ngaro obwire bwona.

obwire:Edakiika 30

<b>INTRODUCTION</b> <b>Edaakiika 2</b>	OREIRE OTA omwegi murungi? naakwakiira omwisho ryaitu ery'erizooba. Eiziina ryangye ni ..... Tutakatandikire, ninshaba kutweteekateeka kuhurikiza. Yehitsye haihi ekaraamu n'ekitabo ky'okuhandiikamu. Tunga omwanya gutebekaine gw'okushutamamu. Oijuka kushutama hare na mutaahi waawe. Kanyesigyge ngu waheza
---	---

	kwetebekanisa.
<p><b>STEP 1:</b> <b>Edakiika 7</b></p>	<p>Erizooba, nituza kugamba aha <b>BINTU EBITURIKUSHANGA OMU MAKA GAITU.</b></p> <p>Eky’okubanza ni bintu ki ebi turikushanga omu maka gaitu? Ebi n’ebintu bingi ebirikushangwa omuka. Bihurikize gye, oreebe waaba noobaasa kumanya amaraka gaabyo. <b>PLAY COMMON SOUNDS AROUND THE HOME:</b> 1. Embwe erikumoka, 2. ebikwato by’okuriisa (nk’ehuumu, emisyo, n’ebigiiko), 3. enkoko erikutetera, 4. ebidomora birikugwa ahansi, 5. Embuzi erikuhebebera</p> <p><b>Ni maraka ki agu wahurira? ?</b></p> <p>1. Embwa 2, 3, 4, 5, .....</p> <p>Ebintu ebimwe ebiturikushanga omuka gaitu ni <b>embwa, ebidomora, omuhoro, enyungu y’okuteekamu,</b></p> <p>- Ebintu ebiri omu maka gaitu byona bitwiniire omugasho. 1. Embwa eine mugasho ki omuka? Embwa nerinda eka yaitu. . Embuzi eine omugasho ki? Ente eine mugasho ki?</p> <p><b>BUUZA EKIBUUZO AHARI BURI KIGAMBO KYONA</b></p> <p>Reka tuhumureho kakye, twebekanise kushoma.</p>
<p><b>STEP 2:</b> <b>Edakiika 7</b></p>	<p>- Kurikayo omukumura omwegi omukundwa!</p> <p>Hati twaza kugyezaho kushoma. tutakatandikire, reka tubanze twengore akeeshongore kaitu. <b>YESHONGORE</b></p> <p><b>It’s time for reading, Hey Hoh! Away we go It is time for reading.</b></p> <p>Hati reka tweshongore hamwe. <b>SING....It’s time .... Mwebare.</b></p> <p>Hati hurikiza ebindikushoma::</p> <p><b><i>Shoma buri kigambo kyona orikuteera omu ngaro wagamba engiga zakyo. Hwera abeegi kubara engjga z’ebigambo. Toorana emwe erimu enyeiraka ei orikwenda kwegyesa.</i></b></p>

	<p><b>Ekabada, entebe, ekikopo, omuhoro</b></p> <p>- Reka tutorane ekigambo kimwe: Reka tutorana ekigambo, Let us pick one word: <i>panga</i>, it begins with sound <i>p</i> and <i>a</i> to read /<i>pa</i>/ There are other English words which begin with <i>pa</i> for example <i>pat, pam, park</i> Give 3 other words as I also write mine. <b>Pause:</b> What are your words? Read them aloud. <b>Good!</b></p> <p>Our letter is <i>p</i> when we join <i>e</i> it will read /<i>pe</i>/ There are English words which begin with /<i>pe</i>/ for example pet, pen, pencil</p> <p>- Reka tukore ekibazo turkwejunisa ebigambo byaitu ebi::</p> <p><b>Embwa, enkoko, cow panga granary pot</b></p> <p>Let's begin with the word <i>dog</i> for example:</p> <p><b><i>A dog keeps the home.</i></b></p> <p>Niwe kora ebibazo ebyawe. <b>YESHUSHANIRIZE NGU OINE OU ORIKUGAMBA NAWA.</b> Hati gamba sentensi yawe. <b>Embwa n'emoka yaareeba abantu babi. .</b></p> <p>Ebigambo ebindi nabyo bikoremu sentensi. <b>enkoko, ebidomora,</b> Webare. Ori omwegi murungi. Hati reka tuhumureho, twetebekanise tuhurikize omugane.</p>
<p><b>STEP 3:</b></p> <p><b>8minutes</b></p>	<p>- Hati naaza kubashomera ekitebyo. Ku ndaheze kubashomera ekitebyo eki, ninza kugira ebibuuzo ebi naababuuzza. <b>Mwetekateekye. Shutama otebekane, otakagira eki wahandiika, hurikiza kwonka.</b></p> <p><b>Humuraho!SHOMA EKITEBYO EMIRUNDI EBIRI MPORA KWONKA ORIKWATURA GYE EBIGAMBO.</b></p> <p style="text-align: center;"><b>Efuka</b></p> <p>Efuka n'ekikwato ekiturikukoresa omuka. efuka netuhwera kuhinga omu musiri. Efuka oshemereire kugiboneza waheza kugikoresa. Efuka gabiike omu sitooha kwetantara butandu. Efuka gabiikye omu mwanya murungi ogutarimu maize kugirinda obutakyeranya. Efuka wagireeberera gye, neemara obwire buraingwa.</p>

	<p><b>Hati garukamu ebibuuzo ebi</b></p> <ol style="list-style-type: none"> <li>1. Omugasho gw'efuka niguuha ?</li> <li>2. Efuka tushemereire kugibiika nkahi?</li> <li>3. Ni butandu ki ezakubaasa kureetwa efuka?</li> <li>4. Gamba ekikwato ekindi ekiturikukoresa omuka.</li> </ol> <p><b>Hati reka tureeba twaba twagarukamu ebihikire.</b></p> <p><b>SHOMA ORIKWATURA BURI KIBUZO KANDI OGAMBE ANSA EZISHEMEREIRE.</b></p> <p><b>Ekibuuzo kyaitu kyokubanza kyaba kiri:</b> Efuka eine mugasho ki omu maka gaitu?</p> <p><b>Ekyokugarukamu:</b> Efuka netuhwera kuhinga omu musiri.</p> <p><b>Hereza abeegi eky'okukora ekindi:</b> Omu bwire bwawe, handiika ekihimbo neinga waaba noobaasa ohandiike ekyevugo ekikwatireine n'ekikwato ky'omugasho omuka yanyu.</p> <p>- Reka tumumureho, twetebekanise kuhandiika. Otakayebwa kwehitsa ekaraamu hamwe n'ekitabo.</p>
<p><b>Edaakiika 5</b></p>	<p>Kurikayo omukuhumuraho! Hati n'obwire bw'okugyezaho kuhandiika. Kanyesigye ngu oine ekitabo kyawe, n'ekaramu. .</p> <p>Otakatandikire kuhandiika, leka tubanze tweshongore ekyeshongoro kyaitu: <b>Sing: Write, write everybody write!</b></p> <p>Write the letter: p pp Now write: e ee</p> <p>Handiika ebigambo Ekaramu pen pet</p> <p>- Hati handiika ebigambo ebindi :</p> <p><b>SHOMA BURI KIGAMBO EMIRUNDI EBIRI. BANZA OYEMEREZEHO KAKYE, REERO NABWANYIMA OYATURE BURI NYUGUTA Y'EKIGAMBO SPELLLETTER BY LETTER</b></p> <p><b>Enkoko, esiyaani, ekikopo, omuhoro</b></p> <p>- Hati reka tuhandiikye sentensi tukukoresa ekigambo <b>embwa</b></p>



	<p><b>Embwa nerinda eka yaitu. SHOMA EKIBAZO/SENTENSI ORIKWATURA.</b></p> <p>Webare.</p> <p>Obwire bwawe, teera ebishushani by'ebintu ebiri omuka yanyu. noobaasa kubisiiga erangi waaba oine erangi z'okukoresa. Handiika sentensi ahansi ya buri kishushana. Omurimo gwawe ogubikye gye. Nooza kugworeka omushomesa waawe amashomero kugariba gatandikire.</p> <p>Omwishomo eri,twagamba aha bintu ebiturikushanga omuka gaitu hamwe n'emigasho yabyo. Omwishomo ryaitu erikuza kukurataho nituza kuhajana aha kyaro kyaitu.</p>
1 minutes	<p><b>Turikuhendera eishomo ryaitu ry'erizooba, nimbashaba kumwijusya abantu b'omumaka ganyu;</b></p> <p><b>KUNAABA OMU NGARO BARIKWEJUNISA AMAIZI NA SABUUNI OBWIRE BWONA.</b></p> <p><b>MWERINDE, KANDI MUGUME OMU MAKI GANYU.</b></p> <p><b>MUSIIBE GYE.</b></p>